



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

Regivm Lepidi.

[urn:nbn:de:hbz:466:1-70633](https://nbn-resolving.de/urn:nbn:de:hbz:466:1-70633)

gua fictitia, etymo prosus friuolo, *Parmam* quasi
Parvam i.e. hastam vel principatum colonia-
rum nominatam imaginatur. Itaque magis
eorum opinioni accedo, qui à scuri rotundi for-
ma coloniam in plano positam, antiquitus *Par-
vam* nominatam volunt. Cuius vocis significa-
tionem Varro ex vetusta Gallica lingua pro-
didisse videtur, cum *Parmam* dici vult scutum,
quo pedites vtebantur, quia è medio in omnes
partes par esset. A scuto igitur vel parma no-
men aptius vrbi est: quæ colonos ac ciues sem-
per habuit nobiles, Martios, ac animosos, inge-
nioque ad literarum studia, & ad reip. gubernationem non solùm, sed etiam ad rem militarem aptissimo. Quorum indeolem ita depingit
in Parma sua Iulius Scaliger:

*Inuentum mediis præclarum nomen in armis
Prædita quo sit gens ignea Marte docet.
Ingenium rapidum facili flammatur ab ira,
Sed viget in patulo pectore purus amor.
Magnarimo, precium est, non displicuisse pudori,
Hoc satis, officiis cedere turpe putat.*

REGIVM LEPIDI.

VRBS populo frequens est, omnibusq. rebus affluens: agro vbere fœcundissimoque cincta. Et antiquitate certat cum aliis vicinis vrbibus. Aemiliæ viæ item imposta Romanorum est Colonia, cuius celebrem M. Tullius, Strabo, & Corn Tacitus aliique veteres mentionem fecere. Sed quando primùm; vel quorum auspiciis deducta sit, nō planè liquet. Quia tamen Regium Lepidi ab initio semper nuncupariunt, plures opinantur à M. Lepido, qui Aemiliam viam anno ab V.C. D.LXVII. strauerat, vel conditam, vel deductam paulò post fuisse.

M V.